



DEO OPTIMO MAX.

UNI ET TRINO,

VIRGINI DEI - PARÆ, ET S. LUCÆ
Orthodoxorum Medicorum Patrono.



QUÆSTIO MEDICA,

CARDINALITIIS DISPUTATIONIBUS
manè discutienda, in Scholis Medicorum, die Jovis primo mensis
Aprilis, anno Domini M. DCC. LI.

M. JULIANO BUSSON, Doctore Medico, Præside.

An cibus deterior, sed jucundus & assuetus, meliari, sed ingrato & inassueto, potior?

I.



N T E R primavos Philosophiæ cultores plurimi, suprà vulgus hominum, divini cujusdam afflatûs participes fuisse videntur. Quidquid poterant & acerrima mentis acies & excelsum ingenium, id perfecerunt summi illi viri; quibus annumerandum esse Medicorum Principem Hippocratem nemo sanè negaverit. Is enim tantam in Apollinis Arte meruit laudem, ut divini honores à concivibus, ob servatam patriam, vivo ipsi adscripti fuerint. Tam singulari diligentia varias naturæ leges indagavit, ut ipsam operantem quasi inspexisse dici possit.

A

Quæ pandidit oracula longâ sæculorum serie comprobata sunt; & reapse opera ejus aliquod *θέρν* redolere videntur. Etiam si tot pulcherrimis in Physicâ, in Chemiâ & in Anatomîâ inventis superbiat nunc Medicina, haud ferè rectius quam veterum dogmata ægrorum curationi conducunt. Et certè cum Philosophi per *ἀναλυσιν* tantum, id est à compositis ad simpliciora, à posterioribus ad priora progrediendo, abditiores rerum causas attingere queant, mirum videri non debet, Medico tam necessaria esse & observationes & experimenta, ut rectè ratiocinari possit, hominumque saluti invigilare. In hac verò parte plerisque scientiis palmam præcipit Medicina, cum ferè nulla sit quæ tanto observationum numero stabilitam esse gloriari possit.

Hanc cæ calcando viam, quæstionem hic propositam jam solverat Hippocrates, in Libro verborum pondere, sententiarumque gravitate percelebri (a) ubi sic legere est: τὸ σμικρὸν χείρον, καὶ πόμα, καὶ στίριον, ἢ διον δὲ, τῶν βελτίωνων μὲν, ἀνδρείων δὲ, μᾶλλον αἰστέον. Paulo deterior & potus & cibus, jucundior autem, eligendus potius, quam meliores quidem, sed ingratiore. Cum naturæ leges investigare, ipsique inservire, præcipuum sit Medici munus, inter varia præscribenda ipsi apprimè distinguenda sunt quæ majori cum corpore analogiâ gaudent.

I I.

PER sanitatem intelligitur status ille in quo ritè functiones perficiuntur. Quotoperè differat hic corporis status, pro ratione ætatis, sexûs & regionis norunt omnes. Verùm quod adhuc Medicis peculiariter annotandum, sua cuique est sanitas, id est sua cuique singularis constitutio, quam *ἰδίαν ὑγιαίναν* vocare antiquiores Artis Magistri. Ideo corpora quæ maximè differunt tum in solidis tum in fluidis quibus conflantur, singula tamen esse sana poterunt. Indè orta celebris illa de temperamentis doctrina, quam meritò tanti fecere majores nostri. Sed & aliundè quot discrimina à diversis fibrarum vi & elatere, vario viscerum robore, nervorum acutiori sensu, succorum *digestivorum ἐνέργεια*, aut peculiari quâdam indole, &c. oriri non possunt? Quis hæc omnia limitibus definire auderet. Hinc promulgare leges *ὕγινης*, quæ prolint omnibus (a) difficile admodum. Ingesta eadem oppositos interdum produciunt effectus, in iis etiam qui idem observant vitæ genus. Unusquisque perfectâ fruitur sanitate, licet diversus omnino sit apud homines usus rerum non naturalium; quam vivendi normam si vicissim mutarent inter se, brevè exurgeret tetra morborum cohors. Ex his patet quanti sit momenti ea ciborum potulentorumque genera præferre, quæ magis huic aut illi corpori affinia deprehenduntur.

I I I.

OMNI igitur arte atque operâ in id incumbere debet Medicus, ut peculiarrem uniuscujusque constitutionem noscere, aut saltem ea quæ cuique homini magis congrua sint definire queat. Vix autem salutarem hunc attinget scopum nisi experienciâ & observatione fretus; advertendo scilicet ad varia signa quibus indicantur alimentorum genera diversis corporibus accommodatiora. Inter hæc verò signa nulla forsitan majori curâ Medico annotanda sunt, quam jucunditas è cibus percepta & iis utendi consuetudo.

I V.

ADEO stupendum est mentis cum corpore consortium, ut in toto terrarum orbe nihil forsitan magis Creatoris omnipotentiam patefaciat. Secundum hujusce conjunctionis leges agunt in se vicissim & anima & corpus. Pro variis igitur animi pathematibus variè agitantur vel oscillant fibræ. In gaudio v. g. auctâ vi cordis & arteriarum, & forsitan aucto ipsiusmet cerebri (a) motu, majori impetu propellitur sanguis; liquor ille sicut & cæteri ex eo geniti, ulteriorem proinde adipiscuntur fluiditatis gradum, faciliusque minima vascula permeant;

(a) Hipp.
Aphor. Sect.
A. Aph. 38.

(a) Swalv.
Quercl. vcn-
tricul. p. 102,
103.

(a) Vid. Bis-
sert. Doctor.
Schlichting.
De moru cer-
ebr. Mem. præ-
sent. à l'Acad.
des Sciences,
t. 1. pag.
313.

blandè contremiscunt fibrillæ, diffunditur undequaque jucunditatis sensus, totumque corpus, vel in minimis particulis, vivit, viget, sentit & exultat (b). Contrarium sanè accidit in mœrore. Cibus ergò voluptuose gustus organum afficiens, vehementerque appetitus, multò meliùs salivâ subigitur & quasi arctiùs in ventriculo fovetur, faciliùs à variis succis digestivis solvitur, in chylumque mutatur. Undè si quid inest vitiî brevi corrigitur. Insalubritas enim non æque offendit ac demulcet suavitas (c). Cibi verò aliundè euchymi, sed injucundi, ventriculi & intestinorum vim & actionem, liquorumque dissolventium *evigilant* eludunt. Si autem nauseabundi, horroris quemdam incutiunt sensum, ità subvertitur ventriculus ut ingenti conatu ferè sinceri evomantur. Jam verò certum est illud voluptatis genus è cibis non percipi ab animâ, nisi quòd consequatur certam in corpore, quæ ab effectu grata dicitur, impressionem; quæ quidem majoris cibos inter & corpus affinitatis indicium est. Sunt enim homines debilissimâ temperie præditi, qui, vehementer crassiora solidioraque appetentes alimenta, feliciùs ea concoquant, quàm aliud quodlibet cibi genus minùs ipsis jucundum. Adèò frequens est istud phænomenon, ut hujusce generis exempla hic recensere prorsùs inutile foret (d). Hinc naturæ diligentissimus explorator Hippocrates, ægrotis gratificandum esse censet (e) in cibo, potu & obsoniis quæ maxime concupiscunt; modò damnum evidens indè non accessurum sit, aut saltem facilè refarciri possit. Duplex utilitas, ait Galenus, (f) *habetur ex indulgentiâ erga ægrum in his quæ sunt citra illius jacturam è altera quod in cibis melius concoquitur, in potibus sitis sedatur, ex odoribus somnus conciliatur, ex balneo quies, virtusque restauratur: altera est amor ægri erga Medicum & observantia quâ fit ut illi in omnibus pareat.*

Quanta sit consuetudinis vis, ratione eorum quæ sanitati conducunt, vix concipi potest; undè tritum illud verissimumque adagium: *consuetudo est altera natura* (g), quæ quidem priorem mutare valet. Consistit autem in habitu quodam acquisito præcipuè à repetitâ fibrarum actione; vel secundum Clariss. Stahlum (h) consuetudo est habitus vel celeritas singularis ad varias actiones tam suscipiendas quam exercendas. Cum semel consequenter ad repetitos illos actus, determinatum quemdam statum adeptum est corpus, tunc ab assueti more recedere quocumque modo, periculosum esse monstrant & ratio & experientia. Non immeritò sanè, ait Galenus (i) consuetudinem esse signum & interdum causam naturalis alicujus proprietatis. Cibis crudis renacibus & inconditis, peculiaribusque quibusdam portionibus indulgere assueti, si diversis deinde alimenterum potentiorumque generibus, quantumvis melioribus, uti velint, (k) novicam experientur alterationem. Fuerunt quidam, ut fertur de Mithridate (l), ita toxicis assueti, ut nullum ex iis perciperent incommodum. Non infrequens est homines videre, qui quotidie devorent 60 aut 70 laudani grana, cujus quinque aut sex inasuetos interimerent. Asa fœtida, *σκληρος* Dioscoridis, à cujus odore abhorremus, in deliciis erat apud antiquos (m), ut nunc apud Persas; contrà verò mali citrei ingratiissimus ipsis erat odor. Fertur (n) Ducem quemdam Atheniensem saltare solitum, cum præ novæ dignitatis decore, istud exercitiî genus frequentare nequivisset, coactum esse aliquoties repentinè tripudiare; forti totius corporis concussionem ac tremore deprehensum. Nonne quotidie videmus tenellas virgines delicatulum pectus impune rigidissimo exponere frigori, quod robustissimi viri cum villosulo pectore experiri non audent. Hæc omnia apprimè noverat divinus senex; undè toties in scriptis (o) ad consuetudinem vitæque rationem atterere jubet, non solum in sanitate tuendâ, sed & in morbis debellandis. *Consueti* (p) *solitos labores ferre, etiamsi fuerint debiles, aut senes, insuetis robustis licet & juvenibus, faciliùs ferunt.* (q) *A multo tempore consuevit, etiamsi fuerint deteriora, insuetis minùs turbare solent.* Oportet igitur etiam ad insolita transire. Ipse quoque Erasistratus monet

(b) Chren. De sanit. tuendâ. p. 188.

(c) Swalm. Quercil. ventricul. p. 101.

(d) Ibid. p. 103.

(e) De Affect. Epid. Lib. VI. Sect. IV.

(f) Comm. in Lib. VI. de Affect. Epid.

(g) Boerh. Inst. Med. §. 1026.

(h) Theor. Med. p. 432 & 494. Disput. de consuet.

(i) Libr. de consuetud. De Meth. medicand. Lib. IX.

(k) Swalm. Querc. ventr. pag. 100.

(l) Hist. de la Médéc. par M. le Cletec, p. 390.

(m) Plin. Hist. Natur. Lib. XIX. cap. 111.

(n) Vid. Luc. Tozz. Oper. Med. Tom. II. p. 154.

(o) De Diet. Lib. III. De viâ acut. De Humid. usu, &c.

(p) Aphor. Sect. II. Aph. 42.

(q) Ibid. Aphor. 50.

(r) Galen.
libr. de con-
suetud.

Medicos hæc omnia parvi facientes, raro agris fausto successu opem allaturos; aut aliquandò ipsos miserrimè jugulatos; ut contigit Ario Peripatetico, (r) qui cum ex potu levissimè refrigerato singultu statim corripere, nunquam ausus fuisset frigidulam aquam gustare; tandem febri occupatus, à Medicis præter consuetudinem coactus potu frigida uti, subitò fuit exanimatus.

V.

* De his vide
plura apud Il-
lustriss. D. De
Fussin, Hist.
Natur. in-4.
Tom. I. l. p.
370, &c.
(a) Aph. 50.
Sect. II.

EX his deducere pronum est, quàm nociva sit uniformis consuetudo, quàm è contrariò utile à juventute assuescere indiscriminatim ad omnia ciborum genera*, sive ex vegetali sive ex animali Regno deprompta; & ut consulit Hippocrates, (a) δὲ ἐν ἡλικίᾳ τὰ ἀσυνήθια μεταβάλλειν. Insueta enim semper vitare homini prorsus impossibile, ob inopinatas rerum sortes quibus subijcitur. Cavendum tamen ne à longo tempore consueta subitò deserantur, præsertim in adultis, novumque vitæ genus derepentè instituat. Satis patet quantum exindè periculum immineret. Neque enim ab aëre graviore v. g. ad levem etiam salubriorem, vel à nimio labore ad otium transire tutum est: nec nisi paulatim fieri debent mutationes illæ, quæ quidem in ætate senili vix locum habere possunt. Itaque (b) sanus homo qui & bene valet & sua spontis est, nullis obligare se legibus debet.... Hunc oportet varium habere vitæ genus, modò ruri esse, modò in urbe, sæpiusque in agro, navigare, venari, quiescere interdum, sed frequentius se exercere.... Prodest etiam interdum balneo, interdum aquis frigidis uti; modò ungi, modò id ipsum negligere, nullum cibi genus fugere quo populus utatur, interdum in convivio esse, interdum ab eo se retrahere, modò plus justò, modò non amplius assumere.... Concupiscens verò neque nimis concupiscendus, neque nimis pertimescendus est. His legibus obsequentes longam jucundamque ducent vitam; & ut canit elegantissimus Poeta (c):

(d) Vanier.
Pisc. russic.
Libr. IX. p.
188.

*Læto nec plumbeus Anser
Languidulos affigit; iners nec Bruma, nec Aestas
Ulla nocet: nec membra ligant nodosa podagra:
Non stomacho gravis æsca: febrem non letifer afflat
Autumnus.*

(d) Vid. ce-
leb. Monro,
Etiol. d'Edimb.
Tom. VI. pag.
31.

Probè tamen hîc annotandum omninò à Diætâ ableganda esse quæcunque ex Regno minerali deprompta, muriaticum saltem si excipias; nulla enim ipsis inest cum corpore analogia. Idem dicendum de vegetabilium animaliumque speciebus, horumque partibus quibusdam, quæ semper maximè nocivæ deprehenduntur, aut quæ succorum digerentium ἐνέργειαν eludentes, in chylum sanguinemque immutari nequaquam possunt. Ablegandi pariter liquores ardentes quicunque, toridem enim venena sunt quibus, frustra reclamantibus Medicis, lentè consumitur magna pars hominum. Quàm infelices qui iis abuti jam consueverunt! His tamen sapè, in morbis etiam gravissimis, indulgendum esse testantur varia Medicorum acta (d). Cum igitur tùm alimentorum jucunditas, tùm iisdem utendi consuetudo indicent corpori magis esse affinia, adeoque cæteris præstare, meritò concludendum videtur,

Ergo cibus deterior, sed jucundus & assuetus; meliori, sed ingrato & inassuetò, potior.

Proponebat Parisiis LUDOVICUS-ANNA LAVIROTTE;
Æduensis, Doctor Medicus Monspelienfis, Regius Librorum Censor, necnon
Saluberrimæ Facultatis Medicinæ Parisiensis Baccalaureus, A. R. S. H. 1751.
A SEXTA AD MERIDIEM.

Typis QUILLAU, Universitatis & Facultatis Medicinæ Typographi, 1751.